

國朝閨閣詩鈔

第十冊

印月樓詩集

湘潭

王瑞 湘梅

小鷗波館詩鈔

吳縣

陸韻梅 琇卿

錦槎軒詩稿

蒙城

張襄 雲裳

絮雪吟

上元

朱景素 菊如

敏求齋詩集

湘潭

王繼藻 沅香

焚餘小草

崇仁

甘啟華 韻仙

鏡倚樓小稿

江寧

章孝貞

味琴

佩湘詩稿

德化

范漣

清宜

花鳳樓吟稿

德化

蔡紫瓊

繡卿

韻香書室吟稿

德化

萬夢丹

篆卿

第十冊

卷一

王宜人璫字湘梅湖南湘潭縣人諸生之駿第
三女吏部主事攸縣夏恒室與姊珮與並工詩
著有印月樓詩詞集

印月樓詩集

湘潭王 璠湘梅

上灘

颯如驟雨聲怒若輕雷響氣湧奔濤下力弱孤
舟上亂篙插石罅榜人爭木彊頗怪水神惡不
許人前往又疑石能言彼此互搶攘一纜引千
鈞昂然進蘭槩洲迴波面平魂魄尙搖蕩

話別

印月樓詩集

卿媛別館藏書

風雨夜不休燈影今夕圓執手話家事未言已
潛然丈夫志四方豈爲兒女牽惟念習儒素宅
少負郭田前室有遺孤延師課讀專勉供先生
饌無任子弟愆我爲君家婦母命先拳拳未及
事舅姑含悲依所天幸有竹林蔭庭闈相周旋
持門雖寡力艱難當仔肩嬌兒非我生我生不
啻焉君去但須去勿使心旌懸鄱湖水悠悠文
浦月娟娟片鱗倘可達定有新詩傳

讀史

足不踰閨闈身未歷塵俗茫茫大塊中見聞苦
拘束小小依膝下識字無專習信口誦詩書義
解不求足但當趨庭時談古意相屬世宙亦云
遙往事難更僕十二萬年中是非分兩局某者
流清芬某者貽羞辱南董筆一枝千秋有定獄
風雨恣搜羅得意必抄錄自笑女子身乃如書
生篤學問百無能探討性所欲豈但填枵腹或

可企芳躅遙遙一寸心前修自勉勗

課婢

汝亦人之子從余歷幾時猶然效兒戲未解失
親慈鞭撻亦何忍勤勞當自知昨宵親指授能
否背毛詩

始發長沙

何處梅城路扁舟載與行好風帆勢飽寒渚水
光平竹箭中流穩花香夾岸清回看白雲下鄉

樹夕陽橫

江上

落日寒江上徐徐錦纜牽水光孤艇接山色破
帆懸灣轉疑無路洲迴別有天鐘聲渺何處歸
雁自聯翩

結宅

結宅城南曲塵囂不到庭水光連檻白山色入
門青遮徑樹成蔭滿園花吐馨延師課兒讀最

喜隔簾聽

聽迪兒彈琴

學琴先習靜絃指要從心愛汝童年撫能將古
意尋晚風吹石澗涼月出雲岑余亦懷憂思憑
欄撥悶吟

書紅鶴山莊詩稿後

萬里從征一徹裘蕭蕭風雨鶴啾啾他鄉客久
難爲婦才女情多易感秋識字豈真憂患始作

詩寧冀姓名留當時幸有憐才者應願將絲繡
蔣侯

文姬

萬里歸來未死身當時原是讀書人衰門嗣息
存孤女亂世朋交有賊臣塞外那堪常憶子長
安何處可尋親琵琶一樣傳哀怨不似胡笳愴
我神

孫夫人

魂魄死依劉遺型
縹靈澤阿兄好男子
敵庭奉

金帛

管夫人

執筆寫琅玕
挺挺凌霜節
付與王孫看
多斬號
松雪

夜過衡山

一聲長笛出層城
漁火星星照水明
七一芙蓉
看莫辨白雲何處采黃精

第十冊

卷二

陸安人韻梅字琇卿江蘇吳縣人光祿寺典簿
禮女翰林院庶吉士潘曾瑩室工畫花卉著有
小鷗波館詩鈔

小鷗波館詩鈔

吳縣陸韻梅琇卿

題顧晚芳女史畫

春晴泛扁舟沿緣指溪路隔岸小桃花輕煙溼
紅霧一奩春水綠青山片雲互棹歌何處發帆
外斜陽暮惟見白鷺鷥一點凌風去

自題梅花小影

小院春光早江南花事深暗香風信遞疎影月

痕侵恍入羅浮夢還聞翠羽吟清寒深夜覺紅
雪滿羅襟

盆梅初放賦柬黃璇卿女史

一枝紅雪暖三面綠窗斜月淡回香夢詩清伴
冷花冰奩添畫稿紙帳似山家鄧尉春風早相
思水一涯

大雪和東坡尖叉韻二首

昨夜寒窗月影纖曉來風勢劇清嚴當庭皎皎

看堆玉繞砌紛紛已積鹽
蕉葉綠還迷粉障梅
花紅恰露茅檐憑欄更望
西山色隱約煙痕沒
翠尖

寒林一帶靜棲鴉門外應
無俗客車隔牖玲瓏
聞竹響停舟彷彿認蘆花
鷗馴定憶江南岸鶴
冷還尋夢裏家便擬前村
沽酒去凍痕好辨路
三义

晨起爲郭笙愉夫人寫折枝桃花并題

鏡裏暈紅霞
香風逗綠紗
曉妝猶未理
和露寫桃花

題林天素山水畫冊四首

蘆汀荻渚帶寒煙
渺渺空林雨霽天
秋雪一竿垂釣處
夕陽紅到鷺鷥邊

檢點行囊第幾程
清游誰與話平生
分明一帶仙霞嶺
聽慣江天落雁聲

花下香風拂畫櫺
草堂遺事感春星
西湖一照

驚鴻影湖上青山分外青

清風林下鬪輝娟
閣閣偏多翰墨緣
可惜香魂招不得
碎煙零雨斷橋邊

題折梅士女

翠禽聲裏夢闌珊
花影橫階月映欄
攀得一枝還悄立
滿身香雪不禁寒

金黿玉蝀看荷花

柳陰侵曉萬蟬聲
隱約涼風拂袂輕
我欲萬荷

香裏住花間惜少釣船橫

爲蔡采盦太史題萬篆卿夫人韻香書室

圖

麝月金星詠玉臺青琳翠水小徘徊定知闔苑
簪毫客應憶當年賦茗才

題女史徐比玉花卉冊

東風消息到還無應倩鷗波粉本暮留得香痕
紅一捻半簾春影夢蘼蕪

正始集題詞

一編冰雪想襟期不數風雲月露辭多少清才
量玉尺絳紗應拜女宗師

第十冊

卷三

張宜人襄字雲裳一字蔚卿安徽蒙城縣人蘇
州叅將殿華女吏部主事南豐湯雲林室工書
善畫年十七割股療父疾著有支機石室詩錦
槎軒集織雲僊館遺稿

錦槎軒詩集

蒙城張 襄雲裳

夜眺虎山橋復踏月至虎山絕頂

長虹臥流波晴光鋪萬頃遠岫隱輕煙漁舟破
清影琴彈岩壑響鐘動魚龍警顧望愜素襟清
言忘夜永乘興踏殘月行行陟高嶺捫蘿翠袖
單穿雲衿衣冷倚石景清暉怪禽啼塔頂良會
能幾時離懷徒耿耿

丙戌春沈采石爲予作鄞尉探梅圖吳蘋
香爲製樂府走筆奉謝卽送蘋香歸錢

塘

鴛湖雲樹春波綠吳興畫史人如玉鷺溪十丈
寫青山不數暉冰與文淑予侍親闈游鄞尉梅
福仙蹤適然至萬樹寒梢舞雪花千重碧嶂飛
晴翠探奇更上萬峯臺花影湖光一鏡開嫩寒
破曉春煙暝密暈侵宵素月來歸棹江城聽吹

笛華屋珠燈陳綺席玉臺伴侶盡仙才話到清
遊憶寒碧畫史含毫寫遠春替花摹影自傳真
胸中別有閒邱壑流水空山結淨因暗香低拂
春雲曉催酒花前啼翠鳥畫幃纔收墨霧涼銀
屏又聽歌塵繞紅豆新詞最擅揚掃眉才子號
蘋香蘭因絮果梅花嶼綺思瑤情玉茗堂一曲
新翻寫幽怨對影聞聲自腸斷檀痕低指碧雲
停月華如水催銀箭燈殘曲罷起離愁別有吟

魂黯不收春戀莫嗟良會短燈前重與說杭州
井梧葉落秋風早西泠定放遊仙棹六橋煙雨
鶯峰雲桂子天香滿亭沼攜手聯吟西子湖兩
隄秋柳拂青蕪歸來更倩女摩詰重補孤山放
鶴圖

登靈岩山

勝地甲三吳風雲想霸圖綺羅西子徑煙雨范
公湖故苑悲麋鹿空林響鷓鴣登臨無限意落

日下平蕪

登光福諸山

閒訪諸山勝蕭然物外身
澗邊飛浴鳥松底臥
樵人過雨嵐光淨
深春野色新歸櫂
休促別容
易隔紅塵

題看山讀書樓

一路風光引登樓
喜欲仙
青山人讀書
翠竹客
參禪雲氣奔
頽壁雷聲吼
怒泉故鄉何處是
遙

指白雲邊

木瀆道中送齊梅麓師重遊光福

更轉清溪棹先生興未休梅花十分滿筇竹兩
番留訪畫求農舍看山到石樓倘過舊題處應
亦憶同遊

梅花用高青邱韻二首

探奇何必萬峰臺茅屋疎籬處處栽林外亂鴉
衝雪去山中孤鶴破煙來新枝爛漫攢紅蕊古

榦杈枒點綠苔竹外一枝看更好橫斜多傍夕
陽開

千樹琪花繞梵宮羅浮原與碧天通多生福慧
雙修得六代鉛華一洗空詩在灞橋驢背上曲
留關塞角聲中笑他無限癡兒女但識人間錦
繡叢

家大人招梅麓師同爲鄧尉之遊喜賦

闌中自笑苦吟身未見江南海樣春分付青山

十萬樹安排香雪待詩人

登吾家山御碑亭

翠華當日此徘徊萬樹傳聞一夜開真是幾生
修得到九重天子爲花來

還元閣望太湖

湖光遠入白雲邊無數峯巒撲天皮陸不來
遊客少煙波間煞釣魚船

調琴

月影初低花影沈
紗窗對譜學彈琴
侍兒爲怯
春寒重幾度催眠
報夜深

第十冊

卷四

朱女史景素字菊如江蘇上元縣人南河縣丞
桂榮女廣東巡撫莊恪公桂楨姪女江西巡檢
單洪誥繼室著有絮雪吟

絮雪吟

上元朱景素菊如

詠懷

稷契與皋夔不以文名世周公征東方始有鴟
臯製何況掃眉人奚慕文章事素幼讀六經卽
解雞鳴義及長觀諸史賢婦每私契牛衣王章
妻擊鼓韓王儷孟母及程母皆所想追繼自覺
有此身焉能甘廢棄相夫成名臣教子作廉吏

此素少年心言及猶墮涕屈子著離騷悲憤非
得意素非舉茂才妄想登科第亦非腰金紫文
章通政治不過寫胸懷工拙何須計與其非他
人何如自爲議撼樹笑蚍蜉文公語可味

冬日作短歌八首倣少陵體

草木黃落歲云暮北風振屋屋欲仆布被如冰
坐達曙骨內睽違音信互丹心苦志向誰訴拚
將玉骨藏邱墓嗚呼一歌兮歌始越青天爲我

愁雲結

絺兮綌兮淒以風玉顏寂寞難爲容銀釭耿耿
不成寐中夜起坐心冲冲自顧無罪如繫虜恨
無羽翼凌長空嗚呼二歌兮歌已悲望舒馳慘
如螢微

如果尊卑無定列泰山剝削成邱垤嗟彼莊姜
命不辰竟遇州吁肆凌蔑何年怨魄化長虹直
叩九閭排寥泬嗚呼二歌兮歌三陳陰霾翳日

白晝昏

生女曾聞嫁比隣
嗟予何幸墮荒榛
時當盛世無氛塵
川原阻隔渺無津
屬毛離裡育我仁
陟彼高岡泪沾巾
嗚呼四歌兮歌慘切
烏鴉悲鳴

山谷裂

予之諸弟皆英越
謝家封胡與羯末
別來歲月久蹉跎
鹽絮聯吟詩社歇
棠棣枝分會無期
看雲書臥心如割
嗚呼五歌兮歌慨傷
鴻雁爲我

不忍翔

不難伏劍自引決
回顧嬌兒心慘裂
于今學步足尚弱
已讀唐詩百餘絕
三年乳哺事非易
見汝成人我意訣
嗚呼六歌兮腸寸
焦鬼神爲我泣荒郊

丹山有鳥曰鳳凰
下見病鴟爲之傷
銜至巢中哺以糧
教令翩飛四海翔
毛羽旣長遂鳳凰
貪饕念重恩義忘
嗚呼七歌兮歌且泣
胥種怒濤

皆壁立

廿九流光似飛電明眸皓齒朱顏變憶昔明珠
掌上時吟成柳絮人爭羨今雖強視死不遠骨
月隔絕成鄙賤嗚呼八歌兮歌已絕如聞天河
水嗚咽

偶成

院靜苔痕長窗閒日影遲風光飛絮覺春事落
花知鳥語依雕檻簾紋漾墨池繡餘欣有暇把

卷細論詩

鄱陽湖

浩瀚渾如海巴陵北尚非浪翻紅日碎風卷白
雲飛萬疊青山渺千帆巨艦微魚龍時隱現不
敢泛金徽

雨霽晚眺

天涯欣乍霽簾捲趁斜暉佔客爭前浦漁人敞
晚扉日含殘雨落雁帶斷雲飛極目家何在憑

欄
泪
滿
衣

觀女伴理琴

昔年曾共學久矣響沉沉雅操今重作清音聽
倍深靜觀山水意真得古人心指顧幾先活悠
然洽素襟

春陰

怪底簾方卷輕寒半臂侵雲痕節細雨花事勒
春陰香霧籠階暗新煙匝樹深詰朝晴更暖芳

徑好追尋

外子前室繆孺人忌辰感懷

唱隨儂是後來人代備椒漿倍慘神今世英皇
無此福他生叔季可相親自慚織素翰前輩恰
喜添丁步後塵刻下試爲身後想替儂奠酒是
何人

寄書難

萬金猶易寄書難魚雁無由到畫欄只爲八年

絮雪吟

卿媛別館藏書

遠色已養全憑一紙報平安幾回字細愁燈黯每
至篇終已夜闌封在窗前三五日開函依舊自
家看

東江晚香表妹索畫

別離又見杏花殘幔卷晴暉獨倚欄學步舊會
憐我拙披圖何異對君看每思妙穎心先切但
近春風坐不寒肯許蓬門添韻事凝香早晚伴
眠餐

廢園

雨打碧苔破風搖眠蝶醒黃鳥銜落花飛上青
松頂

舟中遇霧

濛濛大江中不辨烟雲路遙聽櫓鳴聲知是隣
舟去

南昌竹枝詞

梳妝樓外雨霏霏零落殘紅不忍飛未省長濛

成敗事家家兒女說婁妃

春日偶成

隔牆桃李競紛華
門掩青松噪晚鴉
底事東皇欠公道
見家樹上不開花

雪中寄懷外子

四野風高木葉乾
關河一望雪漫漫
重簾乍啟寒侵骨
尙有征人在玉鞍

題回文詩後

始信連波解愛才肯因錦字遣陽臺當年若只
憐歌舞就是回文也枉裁

題二喬觀兵書圖

孫吳兵法古今誰盡在香閣指顧中寄語詩人
休錯認當年原不仗東風

題長生殿傳奇

綠楊若再過三春定與江梅作比隣寄語玉妃
休悵怨六軍翻是爾功臣

一一喬

一一喬秀色占江東
公瑾孫郎玉樹同
似此姻緣最公道
美人俱合配英雄

閩詞四首

回廊小步夕陽斜
一樹紅雲映暮霞
早識飄零同薄命
當年深悔種桃花

幾度朱簾嬾上鈎
春光未半又經秋
相如畢竟恩情篤
棄擲文君已白頭

寒闌人病已經年
夜夜金爐藥自煎
深怪隣姬不解事
月明猶唱想夫憐

晴窗檢點嫁衣裳
千蝶羅裙百寶裝
今日秋風團扇冷
誤他顏色縷金箱

侍五伯論詩三首

宋派唐音話已陳
性靈兩字力求真
拈來妙諦頭頭是
纔信倉山技絕塵

袁子才

搏兔何曾異搏獅
西江壇坫賴撐持
少陵神骨

絮雪吟

誰能得只許藏園筆一枝

蔣心餘

不求氣味詣深醲輕俗心甘衆口
攻活色生香

鮮荔子別開門徑筭雲松

趙雲松

昭君

到底蛾眉世少偷黃金豈等買長門
漫言青塚留遺恨會博君王一顧恩

樵夫詞

白雲堆裏檢青槐慣入深林鳥不猜
無意帶將

花數朶竟挑蝴蝶下山來

恭贈琴仙姑母四首

水雪聰明蘭蕙標謝家風度筆難描仙姿似得
江山助不枉妝臺住六朝

自提雙管寫雙枝着手成春冠一時檢點歷朝
名畫錄還須添箇女王維

多藝多才見慧心繡餘清興托瑤琴想因元女
臨塵世纖指猶能演六壬

綺麗才華似左芬太冲親自授斯文淵源師友
承家學他日蘭臺續典墳

第十冊

卷五

王女史繼藻字浣香湖南湘潭縣人貢生德立
女雲南知縣繼閔妹長沙諸生劉曾鏊室著有
敏求齋詩集

敏求齋詩集

湘潭王繼藻浣香

勗恒兒

婦人無能爲所望夫與子撫子得成立私心竊
自喜望子脩令名書香繼芳軌爾質非愚頑爾
年雖穉齒爲學慎厥初成人貴在始高必以下
基洪必由纖起慎毋貪嬉遊流光疾如駛慎毋
恃聰明自作遼東豕璞玉苟不琢徒然負質美

所以古哲賢競此分寸晷如彼藝南畝及早勤
耒耜我方旣殷殷我黍必薿薿積土成邱山慎
毋一簣止心專功必成志堅事不靡我非孟氏
賢母教成三徙又無積累德敢冀拾青紫惟念
祖澤存庶幾免邪侈男兒當自彊立志在經史
或可光門閭得以承祖祀負荷良非輕毋遺先
人恥力學不早圖悔之亦晚矣

聽松圖

急雨下空際風雷大壑鳴蒼然萬松色鬱作怒
濤聲鶴唳露華冷龍吟天氣清何當愜幽聽泉
石寄閒情

落葉

萬木起秋聲蕭蕭無限情西風正搖落塞鴈已
南征山闊月初滿林空煙不生授衣當此際砧
杵滿江城

梅花初放懷郭笙愉姊

老樹寒香破春歸人未歸一枝衝雪放三載與
君違憶昔同聯社清吟對落暉而今空悵望離
思滿柴扉

夏涼

九夏不知暑推窗風滿樓好憑今夜雨預借一
簾秋蟲語斷還續荷香清更幽怪來涼意滿庭
院綠陰稠

送雲溪舅氏之蜀

客路二千里崎嶇雨雪中
哀猿啼鳥道匹馬入
蠶叢悶懣詩逾健艱難氣轉雄
他時聞杜宇歸
信問東風

蘆花

秋色老江干秋波望渺漫
凍雲迷遠渚飛雪點
漁竿明月淡無影曉霜清更寒
長隄風起處猶
作柳花看

衡嶽

青青七十二芙蓉攬勝攀登第一重江合瀟湘
朝漢水地包荆楚拱羣峯崖深三月猶餘雪松
老千年欲化龍剩有禹皇遺跡在石碑橫臥碧
苔封

小園

小小亭園竹樹林春風雨露此中深過牆枝葉
休輕翦留與行人借綠陰

新秋憶親二首

潭洲百里卽天涯久別非關道路賒誰道湘江
風浪險夢魂一夜一還家

從今回望白雲深悵別時懷寸草心迴首當年
歡侍日始知一刻值千金

月夜

棗花簾外一憑欄籬畔淩霜菊未殘落葉滿庭
秋月白夜深風露逼人寒

第十冊

卷六

甘文史啟華字韻仙江西崇仁縣人許州知州
實求第五女同邑諸生謝蘭額室著有焚餘小
草二卷

秋火餘小草

崇仁甘啟華韻仙

秋閨坐月

露竹隱枯螢霜月淨長夜微雲生白波迸作涼
空瀉滿地聰明水清光寶無價蟋蟀亦有感切
切鳴階下疎雨搖遠鐘落葉相枕藉秋聲聒人
耳所到添悲咤婺女隔窗窺似訴秋妃嫁天河
白漫漫織阿不得駕是時聞妙香坐觀忘物化

焚餘小草

卷三十三

唱落汝南鷄媼娥胡避舍

暮春曲

纔過花朝寒又到清明節清明三月春無多滿
地楊花落如雪對花低語祝花神辜負繁華九
十春柳堤風緊鷓鴣叫芳草天涯愁殺人

同外子分詠明史擬古樂府四首之一

鷺鷥冰上走何處覓魚賺土木蒙塵積薪添少
保當年謀社稷腔血有地灑亦得上皇太子俱

已矣豈有襄藩能居國金符之誣辨何益石張
終亦罹大辟金齒戍將軍殲鷺鷥水上走何處
覓魚賺

正月初六日見月

今夕復何夕姮娥如故人久離原隔歲相見恰
兼旬卧病瓊樓客開懷翠閣春持杯仰天笑細
與訴紅塵

喜悟雲四姊至自吳山

焚餘小草

癸三十四

千里相望苦歡情此夕多荆裙貧尚健浦草恨
如何客路懷烟雨秋風老薜蘿故園無限好休
更唱驪歌

曉起望雪有懷弟婦江

一夜急風雨曉看山雪橫遙憐閨閣裏共此別
離情已覺寒梅破更深春水明飛鴻雲外斷時
送兩三声

舟次廬山

聞道鄉邦有好山果然今日喜開顏
白蘋風裏傳僧語紅葉林邊見虎斑
詩思靜如煙影淡歸心急共水聲潺
雲中五老曾相識笑指征帆落照殷

蕉雨同子和弟作

鐵馬琤琤送響音多綠天雖洗不銷磨
每焚香後分琴韻待學書時助墨波
遙憶美人流水曲似聞團扇暮雲歌
芳心自捲成孤賞却向山中傲

焚餘小草

卷三十五

薛蘿

呈夫兄香子先生

春夢浮沉十九年
花晨月夕聳吟肩
文章容易談閨閣
心事由來屬簡編
幸有秦嘉稱快婿
從知蘇軾是真仙
絳帷倘許傳詩鉢
願向騷壇著祖鞭

送香子先生司訓鉛山

造士欣爲一縣師
高情隔句江城梅雨送行人

作官都無俗才子居官定出奇
喜有湖山供著述不將眷屬累
風規遙知桃李公門盛他日歸
來聽口碑

春閨詞二首

蘭房鎮日坐殘春
簾捲東風淨綠塵
吹過一絲香斷續
隔牆應有賣花人

柳陰一曲傍東籬
小立斜陽欲暮時
剛惱春風無意緒
子規聲裏又催詩

夏午偶成

繡幙低垂戶不開
斜鋪竹簟倚琴臺
小鬟不管添人惱
好夢無端喚醒來

婁妃

叛王城外抗旌旗
妃子江邊賦別離
地下若逢禕翟輩
愁他花蕊受封時

第十冊

卷七

章女史孝貞字靜儀一字味琴江蘇江寧縣人
俊民第三女上元周觀模室工琴善畫著有鏡
倚樓小稿

鏡倚樓小稿

江寧章孝貞味琴

學畫

香草擬美人靈均有深意娟娟空谷姿在幽不
在媚托根綺石旁九畹品自貴蘸筆寫叢生髣
髴得高致晚葉臨風舒初花和露墜十丈必有
芳自與蕭艾異

遊莫愁湖題壁

鏡倚樓小稿

夢想此閒勝今來湖上遊江光浮古堞山翠擁
層樓人已千秋去名猶六代留引人吟興遠何
只竟無愁

春草

一望郊原草色勻紛紛蜂蝶去來頻六朝舊恨
王孫路兩浦新愁楚客春風度池塘牽柳線雨
餘金谷觀花茵最憐紫陌停鞭處盼斷長亭送
別人

春曉二首

疎星猶在天我爲惜花起
苔徑露未乾溼透弓
鞋底

古寺初鳴鐘遙天雞唱曉
情豈爲春癡遲遲花
事了

憶桐城姚淦溪女士

惜別怱怱去路遙闌中寂
寞暗魂銷半輪涼月
孤舟夜知泊揚州第幾橋

寄秀貞大姊

颯颯秋聲雨灑蒼垂簾終日坐懨懨生來本是
擔愁骨一染離情病又添

咏古

當年曾唱渡江歌桃葉桃根喚奈何此日玉人
難再見碧闌干下縹春波

作畫

遙天水長碧迢迢箇裏人家遠市囂似絮白雲

遮不住青山一抹露紅橋

贈朱琴仙姑母次菊如姊韻四首

嫦娥月窟擬仙標
花鳥禽魚信手描
道韞才華
仲姬筆大家風雅繼前朝

鳶蘿我媿附松枝
久慕芳姿冠一時
他日金閨
稱內助竚看人世仰坤維

事事聰明見慧心
時將清興寄瑤琴
鵲巢面歲
參微妙更識蟠蛇首
內壬

蘭心蕙質仰清芬，倚馬才高賦大文。
八索九邱都讀過，更精五典與三墳。

春日卽事

報道東風又夕曛，玉樓人繫柳絲裙。
瑤臺獨立溶溶月，開到梅花已十分。

畫蘭呈崔春泉先生

深閨瓷斗韻彌高，長養春風也自豪。
領畧美人香草意，不妨日日寫離騷。

秋暮

西風颯颯捲簾遲一縷茶煙嬾畫眉
開盡黃花秋又老可憐人瘦已多時

第十冊

卷八

范女史漣字清宜一字佩湘江西德化縣人桃
源知縣明德孫女正衛長女陳蔭園室著有佩
湘詩稿

佩湘詩稿

德化范 漣清宜

題萬象卿夫人韻香書室圖應蔡採盦先生屬

曇花現靈素脈脈含幽芳姿性既明潔自愛親
文章讀遍人間書靈如步虛翔綠文三萬字結
爲明月光餘慧所輝映夫壻猶玉堂寄言閨中
人無爲相感傷

春日

近日春如畫
晴和二月天
流鶯飛繡陌
馴鳥啄苔錢
雨後花如笑
風前柳乍眠
遙看新草色
一片綠成煙

江南歸舟

泛舟歸故里
日送楚天長
兩岸生秋草
孤帆掛夕陽
江聲流夢遠
山影入船涼
水鳥忽啼去
林花撲面香

晚眺

雨後園林空雲開倣晚晴
殘陽留樹影落葉帶
秋聲犬吠山村隔蟲吟
夜月清忽驚天斷處霜
重雁淒鳴

秋日

小園雨後晚花芬白日無聊草色熏
貧况正如秋寂寞窮途惟有病殷勤
青山澹沱斜陽落新月低徊遠樹分
菊徑四圍人語靜風吹黃葉下

秋雲

海棠

雨後微暄照海棠
眼前春色盡濃妝
芳魂怕逐東風去
故爾生平不受香

暮春二首

綠暗紅稀雨後天
子規啼近竹林邊
一聲報道春歸盡
滿院楊花自入簾

落盡殘紅飛滿庭
吹來柳絮任飄零
烏聲啼送

斜陽冷一片煙蕪草自青

歸寧

長望庭幃無限思
喜逢今日是歸期
歸來聽說家常事
不似當年笑語時

憶問園弟妹

春寒細雨放花時
曾記家中事事宜
弟妹十年同笑語
一朝分影各尋思

空園二首

空園半畝護荒籬
一片清愁鳥語知
人易淒涼
春易去斜陽流水落花時

梅子黃時春欲殘
啼鶯語燕興都闌
淒涼風雨
朝朝有天意人心共一寒

秋雨

寒深雲重雁來遲
落葉辭枝感別離
窗外西風
蕉上雨分明秋事不多時

憶問園

東風二月已無花
門巷沈沈燕子斜
忽憶問園
聯詠地心隨柳絮到吾家

第十冊

卷九

蔡女史紫瓊字繡卿一字玉婷江西德化縣人
貢生瀛女編修殿齊茹湖口諸生周文麟室工
隸書精琴學尤善畫蘭著有花鳳樓吟藁三卷

花鳳樓吟藁

德化蔡紫瓊繡卿

明月篇

兔魄薄層霄萬象澄渣滓金氣動寒波玉鏡清
如洗團團展秋紈橫空扇風起皎潔天地心一
照萬千里時缺復時圓循環無定止人世幾遷
移萬事都如此

秋蟲吟

滿院秋聲聲萬千寒蟲何苦又今年茅檐叫破
三更月西風四壁情纏絲平生未識春光好每
到秋來發聲早不從繡闥報新寒甘向空階戀
衰草金飈夜半鳴疎籬菊花新發三兩枝商聲
忽覺起帷幙幾回審聽還驚疑或如嬾婦當窗
織機聲時緩復時急又如雛鴨失其羣長呼短
喚臨河瀆奇聲幽韻原無定夜色秋情誰獨禁
梧桐庭院生晚涼惟有愁人不耐聽我亦多情

易感愁今宵聞此心夷猶尋聲攜燭不知處滿
地月明相與秋

落花行

三月飛飛花滿天苔深草長蝴蝶眠春風又是
今年老零落紅情劇可憐可憐春色初相識幾
日春歸期漸逼九十韶光不暫留紙窗竹幌無
消息回思舊臘逢春早十二闌干春信好風愁
雨泣共春歸一院殘紅爲誰掃憐春愁殺惜花

人盡日間園不見春點點啼痕迷露草纖纖小
夢隨風塵東風吹去何輕狂黃鶯紫燕尋餘香
餘香渺渺綠葉密樹頭儘力啼紅日半林紅褪
鷓鴣斑一色青含煙雨溼煙雨無情不再花而
今春色在誰家昨宵夢化雙蝴蝶勾引花魂上
碧紗花魂縹緲原無定幾度看花添懊恨侍兒
不解惜花心翻說明年花事盛

漁翁傲柳

賣魚沽酒溪頭宿散髮乘風情不俗呼兒解網
妻鳴橈推篷自唱春江曲一聲長嘯入雲煙萬
里江天波影綠

湓浦港

四圍樓閣環湓浦逸趣閒情定幾許撥去紅塵
八九升餘波流作潯江水行人踏遍使君橋銀
鞍白馬空魂銷黃蘆苦竹風猶在笑看家家種
綠蕉

除夕辭

年年除夕催寒盡綠螳紅豨相掩映今年除夕

情更歡爆竹聲聲徹遠近屠蘇酒琥珀杯迎春

送臘瑄飛灰

次年元旦立春

尋看到處韶光滿萬壑千

峰紫翠堆

喜雨

閣外濃雲起溟濛小苑中樹都浮嫩綠花漸染
新紅繞戶雀聲潤當樓人意融來朝開霽色詩

酒醉春風

雪中偶作

玉花飛舞入江城
片片吹來柳絮輕
凍雨壓苔
三徑白涼颺破紙
一窗明峰迷古木
寒無影溪
塞層冰冷斷聲
誰信嶺梅風韻好
獨含香蕊傲
羣英

詠馬嵬

翠華西幸太淒涼
玉質無辜葬路旁
競說兵端

由女子可憐妾命付君王霓裳共憶生前曲羅
襪爭傳死後香誰識一心甘禦敵爲彌邊覺保

皇唐

涼蓆

那堪溽暑逞驕陽自把龍鬚篔簹張結草儼侵
冰骨冷編蒲時挹水紋涼半鉤月映麟文細一
榻風迴鶴夢長終日坐眠無限好渾疑秋色到
銀牀

竹簾

漫天青翠影纖纖
笑指雲添又水添
護閣苑來張廡宅障人却異賀齊瞻
能分碧蔭遮瓊館不放紅塵入
玳檐傍晚好將鉤捲起引來明月照
書籤

院試聞霖盪弟借練江寶田兩兄同列高
等食餼喜賦

覺宮傳出小題名
三鳳儂家次第鳴
天府祿容

同日餽德門才使一軍驚已看花樣聯翩合定
許雲程結伴行我媿深閨空詠絮敢隨鑣隊漫
爭衡

新柳借霖盦弟作

高樓同盼綠楊枝正好芳春二月時葉染微黃
煙漠漠稊縈嫩碧日遲遲纖腰學舞初垂手青
眼看人乍展眉霧重難教穿弱線風迴應爲理
輕絲那堪過客多攀折漸覺柔條縮別離塞上

風光羌笛早陌頭消息畫樓知閒情未倩鶯梭
織春恨先從燕翦披願得神仙再彈指芙蓉鏡
下爲君期

春霽

雨過苔滋碧煙銷日放紅開門看廬嶽推出亂
雲中

甘棠湖卽事

月上天空闊風生水動搖何人清興永隔岸夜

吹簫

春日偶成

春閨曉起下妝樓
小步迴欄去復留
只爲看花情太重
捲簾忘卻未梳頭

春日懷吳小茶姊

東風侵透百花香
對景何人語畫廊
欲寫離懷憑寄遠
雲箋偏短恨偏長

琵琶亭

笑聽楓荻幾人家千載猶將老婦誇絕調不教
逢白傅祇今誰識有琵琶

對月

夕陽紅過黯妝臺靜拂雲箋把句裁莫道苦吟
人不識開窗卻有素娥來

題王孺人遺繡大士像三首

孺人爲朱芷香明府元配幼繡大士像
一幅卒後遺失二十載歲丙戌明府入

都道經山左遇尼感夢奉還屬題誌異
慧照空靈不染埃妙齡金繡出妝臺如何座上
蓮花影廿載遙天始現來

半幅歐絲瑞靄盈寶花靈竹共幽清知君別有
金鍼度引得慈雲綫綫生

一番拜佛一懷人人是前身佛後身料與龍娥
長結伴蓮臺共泛海南春

贈筆

最喜淡雲筆一枝名場賴汝作扶持笑儂不是
簪毫客也有花生夢裏時

雪窗柬鳳芝姊

瓊花盡日灑雕欄料得幽人握管看玉指時應
呵凍寫苦吟忘卻早春寒

春日彈梅花三弄琴曲

一枝春透影橫窗風響簾鉤玉嬾雙吹得梅花
香滿座譜將舊調入新腔

春日借諸姊望廬山

十里平湖霽色中
樓頭釵影瘦
春風白雲肯露
匡君面
撐起靈峰
畫遠空

幾日

幾日春陰覆
畫闌關心花事晚
來看海棠睡醒
枝頭月好借紅燈
護薄寒

春日借弟婦萬象卿姊妹宴集

環佩珊珊繞畫堂
月明宵暖快飛觴
捲簾競放

花光入滿座春風笑語香

送花姊倚雲湖上

相逢纔慰隔年思又向湖亭送別離人去虹橋
天樣遠憑欄猶自立多時

答鳳芝姊

思君幾度欲緘書鍼荷纏絲半月餘自笑腹中
同涸轍難將點墨送雙魚

柬吳姊小茶二首

靜寫幽蘭憶我師重尋舊約在何時含情欲向
花前訴訴盡離愁花未知

停鍼竟日盼征鴻底事芳音總未通料是離懷
難着筆捲簾無語對東風

和練江大兄吟秋詩四首

畫閣遲眠漏欲殘素娥清影映雕欄桂花滴露
秋光淨贏得珠簾徹夜寒

西來爽氣入簾櫳羅袖涼生小閣中清晝儘教

紈扇歇班姬何事怨秋風

層陰漠漠罩寒煙畫出長空水墨天莫道秋光
多黯淡霜林紅染夕陽邊

金釵斜剔晚燈紅靜讀歐陽賦最工怪底秋聲
無處覓滿階黃葉月明中

春夢詞二首

輕陰冉冉落花時簾幙無人睡起遲遮莫好春
渾似夢流鶯啼斷海棠枝

紅垂屋角夕陽殘
擁髻微吟耐薄寒
蝴蝶不知春夢遠
又捎花影上欄干

含笑花

柔情綽態果風流
只帶歡容不帶憂
寄語香閨諸女伴
簪來真合解春愁

春暮

紅雨紛紛着茜紗
一年春事又天涯
多情祇有蠶螿巧
潛嚮東風網落花

秋夕

珠簾捲向夕陽天
瑟瑟秋光到眼前
最愛蘭閨幽絕處
滿窗花影伴清眠

惜花春起早

憐香惆悵雨風推
夜把星旛護綠臺
信否海棠春睡穩
逕扶殘夢出簾來

愛月夜眠遲

月明涼浸小庭中
況值宵深露氣融
羅袖寒生

本原精學
癸五十八
渾不覺憑欄立盡五更風

掬水月在手

夜池清澈靜無瀾
倒影水輪照眼寒
盃取波光
頰自笑明珠擊入掌中看

弄花香滿衣

園林春色豔新絳
笑摘紅英數種歸
風過不知
香氣染一雙蝴蝶繞身飛

梅開集諸姊小飲

春影橫斜畫掩門
枝頭翠羽動吟魂
梅花萬樹真成海
笑嚼寒香帶酒吞

除夕卽事二首

紅燈照徹畫堂前
素菓清殽列綺筵
笑說今宵須暢飲
再傾盃酒是明年

椒盤圍坐興同賒
爆竹聲中笑語譁
翻怪嬌癡諸弟妹
戲將春酒醉梅花

窈生雲裳二姊有約不至奉呈

春光已過綠梅花風月聯吟興尙賒底事麻姑
偏不降麟餉空熟蔡經家

送翠瓊姊旋湖口

少小趨庭唱和隨桃夭詠去每神馳春風正恨
歸來晚才慰離愁又欲離

雨中寄窈生雲裳兩姊

暫離宛似隔三秋惜別頻生畫閣愁爲約湖光
新霽後一船明月共清遊

小坐

禁寒小坐綺樓前
入畫春山晚更妍
窗裡梅花窗外雪
引人詩興不成眠

懷吳姊小茶東鄉二首

記嚮江頭送遠行
如何久未訂歸程
當年畫閣談心處
祇許幽蘭證舊盟

爲抱離懷嬾就眠
徘徊五夜拂吟箋
庭前花雨樓頭月
一別誰知竟十年

懷翠玉祖姑新昌

金猊香篆裊蘭煙靜剔銀釭照影圓欲寫相思
何處寄一行秋雁在遙天

東雲裳姊

相思無那幾迴腸風雨參差逗晚涼手把一絲
斜照柳不知秋恨是誰長

秋夜雜詩四首

晚風輕處挂簾鉤一片涼雲淡欲流爲愛中天

好明月悄扶花影上妝樓

闌干憑處晚煙深無那寒蟬細細吟
絨扇清涼羅袖薄譜將秋思入琴心

芙蓉小閣上燈紅靜看流螢繞
逕通淡到無言誰得似滿階搖動菊花風

點綴閒階野卉幽金錢石竹與牽牛
看花小立花如夢簾外山容上晚愁

書隨園女弟子詩後

競繡袁絲色色鮮
哀將佳句入新編
名園韻事真千古
愧我遲生四十年

秋夜懷霖盦弟

一行新雁嶺南過
叫起離人喚奈何
五夜詩成明月冷
思君最是入秋多

將歸上甲寫懷

嬌養何堪遠別親
傷心惟有淚沾巾
慇懃夜拜中天月
照送離魂侍二人

彈琴

曷懷曾學七絃琴阿父傳來共賞音今日膝前
彈不得依依不盡別離心

病中偶作

避風終日下簾鉤扶病翻虞上畫樓
卓午殘妝猶未理隔窗鸚鵡喚梳頭

懷李姊窈生

別來風露怨啼鴉夜色遲遲上碧紗
燈影寒衾

眠不得更無清夢到梅花

病中聞外子入泮二首

芹藻香霏二月春
憑君采采及芳辰
怪來昨夜南枝鵲
隔着桃花報我頻

弱骨支牀已隔年
佳音一聽頓欣然
叩門小送泥金帖
笑拔金釵當喜錢

第十冊

卷十

萬安人夢丹原名品菊字篆卿江西德化縣人
安徽知縣兆霖第五女翰林院編修蔡殿齊室
著有韻香書室吟稿一卷遺稿一卷彤管新編
四卷

韻香書室吟稿

德化萬夢丹篆卿

春日聽外子彈琴

空庭無人居庭階草自綠知音吾與子相攜入
林屋侍兒抱琴來危坐氣淵穆先彈淥水操音
響激山谷後弄平沙譜恍如鴻雁落萬象歸空
明再揮意已足鏗爾歇冰絃白雲自相逐

春遊曲

甘棠湖上春波平甘棠湖畔春風生畫船簫鼓
傍晚發琉璃一片煙光明珠簾掩映青山影兩
岸松濤搖月冷鐵笛龍吟覺夜闌仙鶴一聲夢
俱醒

采蓮曲

秋江一夜翻紅潮芙蓉萬柄霜中搖綠波蕩漾
濯清影西風吹出何妖嬈采花女見絕年少欲
與花枝比容貌輕舟款款花中來背人偷向清

波照人影花影兩無語美人腸斷秋江浦丹脣
皓齒歌玲瓏藕絲牽恨蓮心苦蓮心苦江水長
花香冉冉熏衣裳停撓欲去不卽去回頭卻望
來時路

鄭烈婦詩

妾尙生夫竟死紅閨命薄乃如此夫已死妾忍
生黃泉有路堪同行舅姑堂上年衰暮妾身怎
敢隨即去伯叔姊姒能承歡妾身雖死心亦安

甘棠湖水寒，侵骨夜半芳。魂逐明月波，心屹立
良足奇大節，爭傳忍湮沒。

洪烈女詩

誰謂兒無夫，紅絲已聘千金軀。誰謂兒有夫，兒
夫飄蕩家室無。父母憐兒欲改字，兒心豈忍存
他志。欲贅兒夫，夫未能妾身無主。心如冰，長繩
數尺梁間結。寒風入戶燈明滅，芳魂應化杜鵑
飛。楓林夜夜啼紅血。

春閨曲

沈沈繡閣花如霧
蝶夢初醒春暫住
紗窗日午垂珠簾
美人睡起何遲暮
昨夜宿醒猶未銷
芙蓉頰上餘紅潮
晚妝試向蘭房坐
花氣熏人如薄醪

水仙花

香色兩俱泯
仙姿衆卉尊
鍊冰堪作骨
入夢欲無痕
洛浦多秋思
湘江有怨魂
素心今可共
脈脈

脈掩柴門

夜坐

白露生何處涼階夜氣清
風高醒蝶夢月冷聚
蟲聲繡譜翻仍嬾寒衣
試更輕挑燈閒把卷不
寢到三更

秋夜憶外

擣衣聲不斷萬戶正秋風
對影思籬菊驚心落
井桐夢回霜信裏坐久
月明中爲憶雲山隔涼

宵盼塞鴻

晚齋

空山雲氣散宿雨喜新晴
初月淡於夢晚風寒
欲生窗虛留竹影寺遠閣鐘聲
破睡渾無計香
茶且獨烹

望廬山

翹首望靈岳微雲有更無
萬峯堆作畫一水繪
成圖遠近形容異陰晴變化俱
壯遊雖未得對

戶足清娛

雨夜

窗外瀟瀟響風聲又雨聲貪吟忘漏盡對酒覺
寒生睡少原無夢宵長欲闌更明朝須早起花
事最關情

幽居

幽居無客到風味似山家徑僻藤陰亂窗低竹
影斜清談仿西晉仙境悟南華盡掃中庭雪春

來且種花

晚眺

晚涼無限好小步出迴廊
樹杪夕陽冷花閒流水香
遠山隨地沒秋浪拍天長
鷗鷺依人慣機心幸爾忘

棠湖春望

四望春無際溪聲響到門
萬青搖浪影一碧浸雲痕
燕逐遠風去鷗隨流水翻
綠楊三兩處隔

岸見漁村

秋夜泛舟

清宵遊興好鼓棹趁秋涼語破白鷗夢衣霜紅
藕香月明人影瘦露重鶴聲長極目前途遠波
濤自渺茫

哭品蓉七妹二首

姊妹花開六樹濃連番摧折到秋蓉當年失母
尤憐女今日懷人倍慘儂繡閣半餘紅唾在鏡

臺長任碧塵封遙知顏色難重覩幻影空教夢裏逢

去年判袂苦形單病裏惟憂聚首難離別未經
三月久春光已覺十分殘從今往事空回首在
昔遺容合細看翻是夜臺人不寂慈親兩姊共
團樂

西施

朝浣溪紗暮采蘋好花長說苧蘿春能教南越

終稱霸未許東家暫效輦兩國盛衰偏有藉一
身恩怨總非真屬樓君自誅忠輔漫把亡吳罪
美人

輓妣氏舒清幽

桂花風裏奏鸞笙一夜乘雲返太清詩法昔經
香祖授仙才頻使玉郎驚閨中結詠偏無分畫
裏逢君別有情屈指芳齡纔十五侍書徵去太

年輕

小圃

小圃三弓位置宜
蒼苔繞徑竹編籬
花因戀主開逾久
月不迎人到自遲
地僻却無猿竊果
徑荒惟有鶴聽詩
攜鋤我欲將梅種
翻向鄰家帶露移

梅花屋下作

曉風似翦撲簾衣
獨對名花自掩扉
繞屋暗香春蕩漾
半簾明月夢依違
冰肌帶暈寒初透
綉

袂如雲夜不歸底事美人猶未降空山鶴唳雪

成園

春晚

青山緩緩度斜陽纔到春深日便長倦鳥爭巢
曠樹密遊蜂逐隊戀花香偶圓茶夢參金粟欲
試琴聲坐石牀明月不來人意懶海棠庭院晚
風涼

秋日憶外時客都中

別緒離情詎易拋
黃昏坐看鳥爭巢
開軒帖嬾臨風揭
卷幔詩猶對月敲
蛩語如人來竹徑
濤聲似雨下松梢
長安此際應惆悵
數盡更籌曉未交

白蓮花

涼生曲檻浪參差
玉藕花開傍小池
洗盡鉛華塵不染
悟來色相淡偏宜
月明澗底遊魚少
夢入汀邊宿鷺知
素質亭亭須護惜
水晶簾外怯

風吹

題蔡繡卿姊花鳳樓吟稿後

詩才畫意本兼工遺稿零星篋笥中但得名傳
真不死若論身後已全空筆端香茗難重綠紙
上春椒幸尙紅我是當年舊吟侶一編持讀未
能終

讀項羽本紀

叱咤暗鳴蓋世雄少年仗劍已從戎鴻溝縱使

輸全策鹿野還宜想戰功肯使羞顏回故里應
將異表惜重瞳美人駿馬歸何處灞水西流夕
照中

和外都中寄懷原韻

桂花開處影離離短札傳來不算遲異地山河
休望月闌中燈火儘鈔詩才緣避俗知音少事
要平情入世宜此日高堂仍健飯願君努力趁
良時

喜外歸家

別夢連宵上帝畿旅人何事遠遊歸天涯芳草
情猶綠秋後鱸魚味獨肥覲面始知人事好求
名敢道此心非丈夫出處尋常事莫笑還家尙
白衣

蔡尋真咏真洞天

洞天深處訪騰空翠壁丹崖迥不同石鼎茶香
尋舊院經壇鶴唳識珠宮救人符籙終多事洗

我鉛華頗自雄
參透紅塵孰
大道闕干一曲引
仙風

甘棠湖

渺渺南湖煙水清
冷煙浮水水波平
菱歌唱徹風前曲
漁笛吹殘月下聲
兩岸綠添新漲遠
萬峰紅湧夕陽明
高樓極目平蕪闊
十里晴光繞郡城

杏花

江南二月占韶光
杏花苑花開錦作坊
紅雨一簾鶯夢老
春風十里馬蹄香
滿園豔影關難住
深巷餘芳賣轉忙
恰喜玉樓人醉後
雙雙燕子話雕梁

春曉

曉起出珠簾
芳豔庭前覓欲折
怯寒生殘露枝頭滴

山行

行行幽壑中泉石發清韻一徑竹橫斜不知山
遠近

蓮峯道中

入山不厭深盡日得幽趣村雞隱隱啼知有人
家住

月夜

涼風悄然來竹影窗前碎何人帶月歸隔溪聞
犬吠

關意

悄步下香階
露氣侵羅襪
清輝挂樹梢
夜半看

殘月

題畫

雲峯日已低
沙岸人如鷺
秋風送馬蹄
落葉溪

邊路

涼夜

萬籟寂無聲
蕉影上窗綠
觀書未肯眠
細翦窗

前燭

早秋

沙渚集征鴻
煙泉聞暝鶴
空山一夜秋
松子紛紛落

山家

父老愛山居
垣墉勤補葺
葺桃花一角紅
籬落重重入

湖樓晚眺

倦繡尋詩坐綺樓清音何處起
漁謳天然寫出雲林畫
綠樹溪邊一小舟

春日偶作

綠樹含陰日正長
雙雙燕子話雕梁
頻呼小婢移書榻
臥近幽蘭夢也香

雨後庭畔看花

如絲小雨溼蒼苔
幾處名花著意開
夢醒偶從簾外過
一雙蝴蝶自飛來

夏日納涼

清輝迤邐上東牆
笑啟庭窗納晚涼
點點露螢飛不定
夜深花氣入簾香

焚香

金猊頻把水沈添
夢醒吟詩味正甜
卻訝濃香關不住
青煙縷縷出珠簾

春日雜吟二首

晝長閒坐綺窗前
觸目都看景物妍
笑指隔湖

韻府書室吟稿

如姬別館流書

癸七十六

春色好絲絲楊柳綠含煙
珠簾斜揭午風清揀取新茶獨自烹
忽覺賣花聲過去隔牆人聽不分明

月夜

碧紗窗趁晚涼開習習清風拂袖來
怪底花閒人影瘦一鉤斜月上妝臺

新秋

竹影橫斜拂短牆滿湖明月透清光
珠簾似水

無人捲一片蟲聲送晚涼

送王氏姑母隨任鎮江

片席初懸浪正平
千林紅葉動秋聲
不知今夜西風裏
可到江南第幾程

月夜聽外子彈琴

西風吹放木樨花
綠綺攜來月未斜
彈到夜深香氣襲
一雙人影上窗紗

冬夜偶成

韻香書室吟稿

頤燈別館藏書

卷七十七

江城風凍角聲殘
碧落霜高雁影寒
詩句未成眠未穩
月明如水浸闌干

登樓

曉晴無事上樓臺
茜色紗窗四面開
滿院幽篁新雨足
畫眉聲裏送春來

雨中聞鶯

連朝陰雨太纏綿
靜寫新詩已百篇
忽聽鶯聲來苑北
始知春到杏花天

曉起

曉起探花露未乾
閒庭小立夢初闌
半林香氣熏成霧
似有流鶯訴薄寒

月下

空庭月白淨無塵
斜照窗紗色更新
最是嫦娥能解事
故移花影近詩人

夏夜

萬里雲山掩夕陽
洞簫吹徹水聲涼
無端散步

青溪曲月影荷花一例香

踏青詞

鳳頭鞋子踏芳郊日色風光肯暫拋
薄暮歸來猶戀戀一簾春夢落花坳

釣叟

短篙撐出綠楊斜閒向中流釣晚霞
手把一竿絲數尺又邀涼月過蘆花

答外

書來疊疊問平安
愧我情懷寫寄難
獨喜畫堂君別後
花光猶似去年看

冬夜卽事

南枝開遍影橫斜
春在匡山處士家
林下月明仙鶴睡
踏殘香雪訪梅花

書長恨歌後

翠羽西巡喚奈何
六軍兵諫逼金戈
拚將一死紆君難
媿殺從行將士多

讀唐書

燈影官門血染塵佛堂匹練怨魂新
二郎最是無情種慣向軍中殺美人

梅花

習習東風次第吹冷香和夢撲書帷
三更月影清於水照見孤山獨立時

春日偶成

尋詩乍聽鳥聲柔遠水茫茫盡日流
春到小園

渾不覺杏花紅過隔江樓

小橋

小橋煙柳接妝臺粉絮如花樹樹開仙蝶一雙
飛過去隔簾時有暗香來

題蔡繡卿外姊遺畫墨蘭二首

筆下蘭仙舊擅名十年妙墨任縱橫而今素楮
憑拋卻無復幽香腕底生

紉佩徵祥總枉然春風草草賦遊仙可憐一幅

韻香書室必稿

如媛別館藏書

卷八十一

孫夫人

蜀山西望竟難歸
婚媾與戎計更非
一死報君遺恨在
芳鄰可許覓湘妃

梁綠珠

兵端偏起婦人身
金谷園中草不春
一斛明珠樓下碎
芳魂千古化香塵

潘貴妃

綽約腰支亦可憐
况將香屑試金蓮
宮中舞態

超前古半幅紅氍月影妍

張貴妃

胭脂并畔太喧譁玉碎珠沈亦可嗟到底死生
情不改夜臺猶唱後庭花

梅妃

長門豈復望恩波梳洗無心厭綺羅縱使珍珠
傾萬斛算來不敵淚珠多

楊妃

佛堂掩面太無情
辜負長生殿上盟
此後仙山須穩住
人間豈忍說重生

梁夫人

鼓聲不絕大江東
玉手援桴氣槩雄
一戰敵人齊喪膽
金山千載夕陽紅

秦良玉

夫死倉皇代誓師
錦袍殺賊勝男兒
芳原血濺桃花馬
不負臨軒一首詩